

Minister Hooyboer-Winklaar:

Porfin docentenan y alumnonan lo haya e scol cu nan merece

ORANJESTAD - Santa Cruz lo haya su MAVO renoba y amplia pa aña escolar 2015 – 2016. “Perseverancia ta e simbolo di loke nos ta mira awe.

Caranan cu ta simbolisa un lucha cu hunto nan a tuma pa tene nan alumnonan hunto, contento y cu gana di sigui studia.

Cu finalisacion di e scol aki mi ta sigur cu e cananan aki y e forsa cu bo ta sinti for di nan lo haya nan scol cu nan merece.” Minister Michelle Hooyboer – Winklaar ta enfatisa mientras cu e ta prepara pa devela e bunita proyecto di renobacion y expansion di Colegio San Antonio na Santa Cruz.

Hunto cu docente di mas grandi, cabesante di Colegio San Antonio, Directora di SKOA, Minister Michelle Hooyboer – Winklaar a efectua e comienso di e 200 dia di trabao pa cu e finalisacion di e proyecto.

“ Mi ta convenci cu e union entre e responsabel nan pa educacion na e scol aki ta grandi y a pesar di tur loke nan a pasa aden, ainda e sentimiento di trabou den ekipo ta wordo sinti.

E localidad di Santa Cruz a haya basta contratiempo y tur esey ta tras di lomba y cu un planificacion hopi cera lo por completa e scol aki.

No obstante cu e grupo di docente y alrededor di 500 alumno a pasa den mudamento pa un localidad cu no ta esun mas ideal, asina mes no tin ningun dia cu nan resultadonan tabata inferior of e moral a cay den otro.

Colegio San Antonio tin diferente premian cu nan a haya durante e aña escolar cu ta yegando su final cu ta simbolisa perseverancia, determinacion y formacion di caracternan cu kier yega un caminda. Sigur un ehempel pa hopi scolnan. Tur esaki sigur ta danki na un



gran lider y aki nos ta papia en particular di e cabesante Mario Tromp y tur docentenan cu ta contribui na uni nan alumnonan y hinca den nan e deseo di supera no importante na ki situacion bo ta haya bo den dje.

Minister Michelle Hooyboer-Winklaar ta reconoce cu tin hopi trabou pa realisa pero ta sumamente entusiasma cu e oportunidadnan cu e scol aki lo brinda.

"Mi ta ansioso pa e trabaonan

termina pa mi por mira e satisfaccion y alegria den cada alumno su cara na momento cu nan drenta e scol nobo cu lo warda nan. E paso final di nan logronan y cu ta specialmente na nivel di nan potencial.